

Et bien bouone gens la scene d'notre hopita s'en va continue a rouoler pour t'chique temps accou. La derniethe decision d' nos etats s'en va qu'ertergi l's'affaithe acouothe une aut' fais. Mais un autre delai, ch'n'est pon auchunne chose de nouve, car quand nou s'etude l'histouaithe du batisse t'ch'est notre hopita aniet, nou vai toute suite qu' v'la s'est arriver d'vans.

Marie Bartlet nee Mauger te la fille du Capitaine Jean Mauger de St Brelade et a l'age de 28 ans ou mathie un Angliais, Francis Bartlet, t'chi s'etai etablyie marchand a St Aubin. I fis sa fortune quand I fut donner l'drouait d' collecter l's'impots, et etou, les tax sus les ancrages a St Aubin, t'ch'etai l'principal port a j't'epocque. Quand i mouthi en 1734 i'n'avaient pas d'efants, et Marie prins controle de touaos les commerces que s'n'homme y'avai laissi.

Sept ans pus tar Marie mouothi etou, laissant une fortune de quasiment nenants mille luis. V'la ch'ether une valeur, d'a bien pres, sept millions au jour d'aniet. Dans son testament, t'ch'ou l'aver ecrit l'yi- meme, ou delaisi des sous a chaques des paraises pour souongni d'lus pauvres. Mais la pliupart de sa fortune, chinquant milles louis, ou l'aissi aux Etats d' Jerri pour batti un batisse pour louogi les pauvres d' l'ille. Et ch'te la qu'nou trouve le premier delai, quand les hommes d'affaithe ne pouvais pon lus accorder sus ch'ique les mots du testament voulais dithe, ou'lle avais ecrit ch'na a sa mode d' anglaias. Et bien seux, auve un si grande montants i'n'y't'ai pon d'pressie. Les Etats ieux, n'voulaient pas l'vaie batti sus l' betchet d' terre a St Aubin t'ch'ou l' avais donner pour le projet, mais prefethee le bati pus pres d'la ville de St Helie t'ch'i c'mencher a agrandi et d'v'nin la principal ville de l'ille. Y'a-t-i rien d'nouve la? j'vos ouaient d'mander. La faithe traini si longtemp que la prenmie pierre fut pas posee d'vant 24 ans aupres la mort de Marie Bartlet.

Eune fais qu' le batisse fut fini les grosse tetes d' l'armee lus y touoill'yttes. I n'avaient nul part pour louogi lus soudarts et dans ch'es jours la y'avai une grande armee Angiaiche sus l'ille. Le batisse fut prins par le General Conway, Gouverneur et Captain de Jerri. Quartre ans pus tard le magasin d'poudre, situer au mitan du batisse, s'explodit et en demolit une gran' partie. Une autre delai d' chinque ans pour le gouvernement angliais a trouver les sous pour les reparations. D'giex ans pus tard les pauvres d' l'isle pouitent finalement sen servi. N'os v'la arrivens a chinquant deux ans aupres l' decee d' Marie Bartlet.

Y'eut une autre delai quand en 1859 le batisse prin feu, et la pluipart bruli. La partie t'chi fut sauvee put continue a servi, mais y prins ch'ique temps pour la restauration du reste. Comme ou'l'viyie la vie de notre hopitat a deja y'eut bien des hitchets et sen va en vai bien d'autres d'v'an qu'l'histouothe en sa finis.

Mercie d'm'aver ecoute anier, et avec rainque trais s'maine a aller, que j's'est l'premier a vos souhaiter un bouon noue et une raide bouone annee.